



ZAPISNIK
O RADU 30. SJEDNICE GRADSKOG VIJEĆA
GRADA SARAJEVA ODRŽANE 24.07.2019. GODINE

Sarajevo, juli 2019. godine



ZAPISNIK
O RADU 30. SJEDNICE GRADSKOG VIJEĆA GRADA SARAJEVA
ODRŽANE 24.07.2019. GODINE U VIJEĆNICI

Broj: 01-GV-02-835/19

Datum: 24.07.2019. godine

Sjednica je počela sa radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.**

Prisutni su bili sljedeći gradski vijećnici :

1. Prof. dr. Velija Katica
2. Mr. Vedad Deljković
3. Mr. Hazim Bahtanović
4. Edina Gabela
5. Adnan Gušo
6. Reuf Hafizović
7. Dr. Igor Gavrić
8. Mr. Tea Mušić
9. Sanela Holjan
10. Bajro Biber
11. Mira Jurić
12. Srđan Srđić
13. Alma Jašarević
14. Adnan Talić
15. Mr. Sead Srna
16. Dado Stojnić
17. Snežana Omukić
18. Lana Velić
19. Nuko Grebović
20. Almedin Miladin
21. Toni Vukadin
22. Mr. Miroslav Živanović
23. Barbara Peleš Stroil
24. Samir Fazlić
25. Vedran Grebo

Odsutni: Nihad Uk (najavljen izostanak), Miro Lazović (najavljen izostanak), Srđan Simonović

Pored gradskih vijećnika, sjednici su prisustvovali:

1. Mr. Abdulah Skaka, Gradonačelnik
2. Ivica Šarić, zamjenik Gradonačelnika
3. Milan Trivić, zamjenik Gradonačelnika
4. Safet Krajišnik, sekretar Gradskog vijeća
5. Maja Hadžihalilović, rukovodilac Stručne službe gradonačelnika Grada Sarajeva
6. Sanjin Smajlović, pravobranilac Grada Sarajeva
7. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
8. Senahid Godinjak, direktor „EYOF 2019“ d.o.o.
9. Alma Midžić, Udruženje za kulturu i umjetnost „Crvena“, Sarajevo
10. Mila Eminović, pomoćnik Gradonačelnika za evropske integracije i EU fondove
11. Merima Arifhodžić, ispred Gradske službe za urbano planiranje, investicije, stambene i komunalne poslove

12. Arijana Musić, ispred Gradske službe za urbano planiranje, investicije, stambene i komunalne poslove
13. Asja Kahvedžić, ispred Gradske službe finansija
14. Aida Koristović, ispred Gradske službe za obrazovanje, kulturu, sport i mlade

Predsjedavajući Gradskog vijeća Igor Gavrić je otvorio 30. sjednicu Gradskog vijeća Grada Sarajeva uz konstataciju da sjednici prisustvuje 25 vijećnika, te da su gradski vijećnici Nihad UK i Miro Lazović najavili odsustvo, a Srđan Simonović najavio kašnjenje.

Predsjedavajući Gradskog vijeća Igor Gavrić se izvinio gradskim vijećnicima radi kašnjenja sa početkom sjednice, te upoznao gradske vijećnike da je Kolegij Gradskog vijeća održao sjednicu, na kojoj je razmatrano da se u dnevni red, po hitnom postupku, uvrsti još jedna tačka.

Sjednica je započela intoniranjem himne.

Gradski vijećnik Vedad Deljković je izrazio nezadovoljstvo radi kašnjenja početka rada 30. sjednice Gradskog vijeća Grada Sarajeva.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 20 glasova „za“, jednim „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je** Zapisnik o radu 29. sjednice Gradskog vijeća Grada Sarajeva održane 26.06.2019. godine.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 20 glasova „za“, jednim „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnila) **usvojilo je** Zapisnik o radu sjednice Gradskog vijeća Grada Sarajeva, sazvane na osnovu člana 70. stav 6. Poslovnika Gradskog vijeća Grada Sarajeva, održane 17.07.2019. godine.

Predsjedavajući Gradskog vijeća Igor Gavrić je podsjetio gradske vijećnike da su, uz predloženi dnevni red sjednice, dostavljeni materijali sa izjašnjenjima radnih tijela, koja su održana u pripremi 30. sjednice Gradskog vijeća Grada Sarajeva, kao i saglasnosti zamjenika Gradonačelnika.

Zatim je najavio izjašnjenje o prijedlogu Gradonačelnika da se Prijedlog Odluke o izmjeni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) donese po hitnom postupku i uvrsti u dnevni red sjednice.

Gradonačelnik Grada Sarajeva Abdulah Skaka je obrazložio razloge zbog kojih je Odluku o izmjeni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) potrebno donijeti po hitnom postupku.

Uslijedila je rasprava u kojoj su učestvovali gradski vijećnik **Toni Vukadin**, gradski vijećnik **Adnan Gušo**, zamjenica Predsjedavajućeg Gradskog vijeća Grada Sarajeva **Edina Gabela** i gradska vijećnica **Snežana Omukić**.

Na poziv **Predsjedavajućeg vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 15 glasova „za“, pet „protiv“ i dva „suzdržana“ glasa prisutnih gradskih vijećnika (tri gradska vijećnika se nisu izjasnila) **usvojilo je** prijedlog da se Odluka o izmjeni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) donese po hitnom postupku i uvrsti u dnevni red 30. sjednice.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 21 glasom „za“, bez glasova „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnila) **usvojilo je dnevni red 30. sjednice Gradskog vijeća Grada Sarajeva:**

1. Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2019. godinu
2. Izvještaj o korištenju sredstava tekuće rezerve
3. Prijedlog Odluke o izmjeni i dopuni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)
4. Nacrt Odluke o usvajanju Regulacionog plana „Švrakino Selo - Mlakve“ s Nacrtom Odluke o provođenju Regulacionog plana „Švrakino Selo - Mlakve“
5. Nacrt Odluke o usvajanju Regulacionog plana „Reljevo“ s Nacrtom Odluke o provođenju Regulacionog plana „Reljevo“
6. Informacija o Dokumentu Okvirnog Budžeta za period 2020.-2022.
7. Informacija o realizaciji vijećničkih pitanja i inicijativa za tekuću godinu
8. Vijećnička pitanja i inicijative

Ad 1)

Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2019. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagач akta Gradonačelnik, da su materijal razmatrali Komisija za spomenike i Komisija za Statut i akte i da su izvještaji radnih tijela dostupni gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je Program podizanja spomenika od značaja za Grad Sarajevo kojima je Grad Sarajevo investitor za 2019. godinu.**

Ad 2)

Izvještaj o korištenju sredstava tekuće rezerve

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagач akta Gradonačelnik da su materijal razmatrali Odbor za budžet i finansije i Komisija za Statut i akte i da su mišljenja radnih tijela dostupna gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je Izvještaj o korištenju sredstava tekuće rezerve.**

Predsjedavajući Gradskog vijeća Igor Gavrić je najavio postavljanje na stranicu materijala pod tačkom tri dnevnog reda, te predložio, a gradski vijećnici prihvatili, da se pređe na razmatranje sljedeće tačke dnevnog reda.

Ad 4)

Nacrt Odluke o usvajanju Regulacionog plana „Švrakino Selo - Mlakve“ s Nacrtom Odluke o provođenju Regulacionog plana „Švrakino Selo - Mlakve“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte.

Uvodno izlaganje je podnijela predstavnica Predlagača, **Arijana Musić**.

U raspravi, koja je uslijedila, učestvovala je gradska vijećnica **Lana Velić**, gradski vijećnik **Toni Vukadin** i gradski vijećnik **Nuko Grebović**, a dodatna pojašnjenja i odgovore na postavljena pitanja dala je predstavnica Predlagača **Arijana Musić**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova „za“, dva glasa „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnila) **usvojilo je Zaključak** kojim se Nacrt Odluke o usvajanju Regulacionog plana „Švrakino Selo - Mlakve“ s Nacrtom Odluke o provođenju Regulacionog plana „Švrakino Selo - Mlakve“ upućuje u javnu raspravu, a koji glasi:

1. Gradsko vijeće Grada Sarajeva je razmotrilo Nacrt Odluke o usvajanju Regulacionog plana „Švrakino Selo - Mlakve“, s Nacrtom Odluke o provođenju Regulacionog plana „Švrakino Selo - Mlakve“ i iste upućuje na Javni uvid i Javnu raspravu u trajanju od 30 dana.
2. Subjekti u Javnoj raspravi su: Općina Novi Grad Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, Zavod za planiranje razvoja Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno historijskog i prirodnog naslijeđa Sarajevo, komunalna i javna komunalna preduzeća, vlasnici i korisnici zemljišta, vjerske zajednice, potencijalni investitori i drugi zainteresovani subjekti koji iskažu svoj interes.
3. Zaključak, čiji sastavni dio je Nacrt Odluke o usvajanju Regulacionog plana „Švrakino Selo - Mlakve“, s Nacrtom Odluke o provođenju Regulacionog plana „Švrakino Selo - Mlakve“, dostavlja se subjektima u Javnoj raspravi, a Nacrt Regulacionog plana „Švrakino Selo - Mlakve“ se stavlja na Javni uvid i Javnu raspravu.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća prilikom razmatranja ovoga nacrta „Švrakino Selo - Mlakve“ s Nacrtom Odluke o provođenju Regulacionog plana „Švrakino Selo – Mlakve“ tretiraju se kao prilog Javnoj raspravi.
5. Za organizovanje i vođenje Javne rasprave određuje se Gradonačelnik Grada Sarajeva i Odbor za urbanizam i upotrebu lokalnog zemljišta Gradskog vijeća Grada Sarajeva.

Ad 5)

Nacrt Odluke o usvajanju Regulacionog plana „Reljevo“ s Nacrtom Odluke o provođenju Regulacionog plana „Reljevo“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte i da su mišljenja radnih tijela dostupna gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 18 glasova „za“, bez glasova „protiv“ i tri „suzdržana“ glasa prisutnih gradskih vijećnika (četiri gradska vijećnika se nisu izjasnila) **usvojilo je Zaključak** kojim se Nacrt

Odluke o usvajanju Regulacionog plana „Reljevo“ s Nacrtom Odluke o provođenju Regulacionog plana „Reljevo“ upućuje u javnu raspravu, a koji glasi:

1. Gradsko vijeće Grada Sarajeva je razmotrilo Nacrt Odluke o usvajanju Regulacionog plana „Reljevo“, s Nacrtom Odluke o provođenju Regulacionog plana „Reljevo“ i iste upućuje na Javni uvid i Javnu raspravu u trajanju od 30 dana.
2. Subjekti u Javnoj raspravi su: Općina Novi Grad Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, Zavod za planiranje razvoja Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno historijskog i prirodnog naslijeđa Sarajevo, komunalna i javna komunalna preduzeća, vlasnici i korisnici zemljišta, vjerske zajednice, potencijalni investitori i drugi zainteresirani subjekti koji iskažu svoj interes.
3. Zaključak, čiji sastavni dio je Nacrt Odluke o usvajanju Regulacionog plana „Reljevo“, s Nacrtom Odluke o provođenju Regulacionog plana „Reljevo“, dostavlja se subjektima u Javnoj raspravi, a Nacrt Regulacionog plana „Reljevo“ se stavlja na Javni uvid i Javnu raspravu.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća prilikom razmatranja Nacrta Odluke o usvajanju Regulacionog plana „Reljevo“ s Nacrtom Odluke o provođenju Regulacionog plana „Reljevo“ tretirat će se kao prilog Javnoj raspravi.
5. Za organizovanje i vođenje Javne rasprave određuje se Gradonačelnik Grada Sarajeva i Odbor za urbanizam i upotrebu lokalnog zemljišta Gradskog vijeća Grada Sarajeva.

Ad 3)

Prijedlog Odluke o izmjeni i dopuni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik.

Gradonačelnik Grada Sarajeva Abdulah Skaka je najavio dolazak direktora “EYOF 2019” d.o.o. Senahida Godinjaka, te predložio, a gradski vijećnici prihvatili, da se razmatra naredna tačka dnevnog reda, dok direktor ne stigne na sjednicu.

Ad 6)

Informacija o Dokumentu Okvirnog Budžeta za period 2020.-2022.

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za budžet i finansije i Administrativna komisija. Izvještaji radnih tijela su dostupni.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva primilo k znanju **Informaciju o Dokumentu Okvirnog Budžeta za period 2020.-2022.**

Ad 7)

Informacija o realizaciji vijećničkih pitanja i inicijativa za tekuću godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva primilo k znanju **Informaciju o realizaciji vijećničkih pitanja i inicijativa za tekuću godinu.**

Ad 8)

Vijećnička pitanja i inicijative

- 1. Gradski vijećnici Adnan Gušo i Bajro Biber** su uputili **inicijativu** sljedećeg sadržaja:
„Podnosimo inicijativu da Grad Sarajevo obezbijedi za potrebe Ministarstva unutrašnjih poslova Kantona Sarajevo šest uniformi i prateću opremu za policijske službenike koji obavljaju službu u biciklističkim patrolama u IV Policijskoj upravi Novi Grad Sarajevo.

Obrazloženje:

Zbog veličine i specifičnosti područja koje pokriva IV Policijska uprava Novi Grad Sarajevo, radi bržeg i operativnijeg rada gdje već postoje bicikla ali nedostaju uniforme i prateća oprema, tražimo da se obezbijede sredstva iz Budžeta Grada Sarajeva - Tekuća rezerva.“

Gradonačelnik Grada Sarajeva je prihvatio podnesenu inicijativu na samoj sjednici Gradskog vijeća.

- 2. Gradska vijećnica Alma Jašarević** uputila je **inicijativu**, sljedećeg sadržaja:
„Fudbalski Klub "Mošćanica" je klub koji je osnovan 27.07.2009.god.
Rad Udruženja se ogleda u okupljanju i afirmaciji djece i omladine kroz sport - fudbal.
FK "Mokanica" je formirala i školu fudbala sa selekcijama omladinskih kategorija, u kojoj je angažovano 70 dječaka, a u seniorskom pogonu 30 seniora.
FK Mošćanica je u takmičarskoj sezoni 2018./2019. ostvarila historijski uspjeh.
Nakon samo deset godina postojanja i rada, vrijednim radom i trudom, postala je prvak Kantonalne lige te stekla pravo da iduću takmičarsku sezonu nastupa u višem rangu takmičenja, odnosno Drugoj ligi FBiH-Centar.
Viši nivo takmičenja podrazumjeva i veće troškove za Klub, prema procjenama i do 80.000, 00 KM.
Klub je do sada za Kantonalni nivo uspevao obezbijediti cca 20.000,00 KM, ali to je samo četvrtina sredstava koja će biti potrebna za iduću takmičarsku sezonu.
Ogromna većina troškova se odnosi na samo takmičenje (cca 90% - zakup terena, plaćanja kotizacija Savezu, organizacija domaćih utakmica, troškovi putovanja na gostujuće utakmice...), dok se jako mali dio odnosi na premije igrača i ostale troškove.
Napominjemo da su u Klubu svi angažovani na amaterskom i doborovljnom principu te da niko od članova Uprave i drugih organa Kluba ne ostavaruje nikakve primanje od Kluba.
Na osnovu navedenog predlažem da se Gradsko vijeće Grada Sarajeva izjasni o inicijativi kojom se zadužuje Gradonačelnik da iz Budžeta Grada Sarajeva izdvoji sredstva u iznosu od 10.000 KM Fudbalskom Klubu Mošćanica za potrebe finansiranja njihovih aktivnosti.“

Obzirom da je **gradska vijećnica Alma Jašarević** zatražila da se Gradsko vijeće izjasni o upućenoj inicijativi, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, bez glasova “protiv”, četiri “suzdržana” glasa prisutnih gradskih vijećnika (dva gradska vijećnika se nisu izjasnila) **podržalo je** podnesenu inicijativu, te je ona **postala inicijativom Gradskog vijeća.**

- 3. Gradski vijećnik Dado Stojnić** postavio je **vijećničko pitanje** sljedećeg sadržaja:
„Obzirom da se o Javnom preduzeću Olimpijski bazen Otoka u ovoj godini često govorilo, ali nikad dobijen konkretan odgovor o nekim veoma značajnim stvarima, prinuđen sam da ponovo skrenem pažnju na isto. Zahtjevam da nam rukovodstvo Olimpijskog bazena, Skupština ili direktor, u pisanoj formi dostave odgovor na slijedeća pitanja:

- Broj radnika po svim osnovama na dane 31.12.2018. i 30.6.2019.
 - Urađena je nova sistematizacija iz koje jasno vidljivo povećanje plata, posebno onih rukovodećih, pa me zanima koliko je to povećanje na mjesečnom nivou i u procentima u novcu?
 - Po novoj sistematizaciji broj ljudi je povećan za oko 20%, koji je razlog toga?
 - Povećan je broj rukovodilaca, zbog čega?
 - Postoji pet pomoćnika direktora (iako samo dvojica imaju takvo zvanje, ali ako se bolje pogleda šema sistematizacije vidjeće se da ih je više): za tehniku, finansije, sport, pravo i službe fizičke zaštite, kakva je uloga tolikih pomoćnika, te koliko koštaju Preduzeće?
 - Kako Uprava Preduzeća planira finansirati toliki broj ljudi?
 - Planira li se upošljavanje nove radne snage, ako da, zahtjevam da se donese odluka da se to zaustavi do daljnjeg!
- Ima li u uposlenika da su stekli uslove za penzionisanje ili angažovanih penzionera, ako ima zašto se isti ne penzionišu, a uposle mlađi ljudi?
- U posljednje vrijeme se priča o inspekcijama, koje obilaze Bazen, a sve zbog neplaćenih poreza, o čemu se radi?
- Želim samo da skrenem pažnju da navedeno nije baza špekulacija nego činjenica. Rad ovog preduzeća NE SMIJE da se dovede u pitanje zbog nestručnog i nesavjesnog rukovodenja. Zato zahtjevam da se na pitanja Uprava i Skupština pismeno očituju, a Nadzorni i drugi odgovorni odbori i organi angažuju stručno, objektivno i nezavisno u rad kako se isto ne bi dovelo u nezavidan položaj.“

4. Gradski vijećnik Velija Katica uputio je **inicijativu** sljedećeg sadržaja.

“Pokrećem inicijativu da Gradsko vijeće Grada Sarajeva zaduži Gradonačelnika da u skladu sa pozitivnim zakonskim propisima razmotri mogućnost finansijske pomoći za odbranu oficira Armije Republike Bosne i Hercegovine i dužnosnika Ministarstva unutrašnjih poslova Republike Bosne i Hercegovine protiv kojih se vode sudski procesi pred pravosudnim organima Bosne i Hercegovine. ”

Obzirom da je gradski vijećnik Velija Katica zatražio da se Gradsko vijeće izjasni o upućenoj inicijativi, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila) **podržalo je** podnesenu inicijativu, te je ona postala inicijativom Gradskog vijeća.

5. Gradski vijećnik Toni Vukadin uputio je **vijećničko pitanje**:

Dokle je došla implementacija obećanja, da će do mjeseca maja biti donesena Odluka o finansiranju udruženja i sufinansiranju projekata udruženja?“

6. Gradski vijećnik Toni Vukadin uputio je JP „Olimpijski bazen Otoka“ d.o.o. Sarajevo **vijećničko pitanje**:

Zašto još uvijek nisu montirani start blokovi, koji su plaćeni oko 40.000 eura?

7. Gradski vijećnik Toni Vukadin uputio je JP „Olimpijski bazen Otoka“ d.o.o. Sarajevo **vijećničko pitanje**:

Da li su sve javne nabavke vršene u skladu sa Zakonom o javnim nabavkama?

8. Gradski vijećnik Toni Vukadin uputio je **vijećničko pitanje**:

Potrebno je dostaviti informaciju da li je smijenjen direktor Javnog preduzeća „Sarajevo“ d.o.o. Sarajevo, i ako jeste koji su razlozi smjene?

Ad 3)

Prijedlog Odluke o izmjeni i dopuni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)

Uvodno izlaganje je podnio direktor "EYOF 2019 d.o.o.", **Senahid Godinjak**.

U raspravi, koja je uslijedila, učestovao je gradski vijećnik **Adnan Talić**, gradski vijećnik **Toni Vukadin**, gradski vijećnik **Miroslav Živanović**, gradski vijećnik **Vedad Deljković**, gradska vijećnica **Snežana Omukić**, gradski vijećnik **Sead Srna**, Gradonačelnik Grada Sarajeva **Abdulah Skaka**, a dodatna pojašnjenja i odgovore na postavljena pitanja dao je direktor "EYOF 2019 d.o.o." **Senahid Godinjak**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, izjasnivši se sa 14 glasova „za“, pet „protiv“ i jednim „suzdržanim“ glasom prisutnih gradskih vijećnika (četiri gradska vijećnika se nisu izjasnila) **nije usvojilo Odluku o izmjeni i dopuni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)**.

Budući da je **gradski vijećnik Velija Katica**, **predsjedavajući Kluba gradskih vijećnika SDA**, izrazio sumnju u rezultate glasanja, **sekretar Gradskog vijeća Safet Krajišnik** je pozvao gradske vijećnike da se i pojedinačno izjasne o predloženom aktu, te su se gradski vijećnici izjasnili, kako slijedi:

1. Mr. Vedad Deljković - odsutan
2. Adnan Talić - protiv
3. Almedin Miladin - odsutan
4. Dado Stojnić - odsutan
5. Alma Jašarević - za
6. Vedran Grebo - protiv
7. Srđan Simonović - odsutan
8. Samir Fazlić - protiv
9. Velija Katica – za
10. Sead Srna - suzdržan
11. Nihad Uk – odsutan
12. Nuko Grebović - za
13. Tea Mušić - za
14. Miro Lazović - odsutan
15. Hazim Bahtanović - za
16. Srđan Srdić - za
17. Barbara Peleš Stroil - protiv
18. Miroslav Živanović - za
19. Igor Gavrić - za
20. Reuf Hafizović - odsutan
21. Snežana Omukić - za
22. Edina Gabela - suzdržana
23. Lana Velić - za
24. Sanela Holjan - odsutna
25. Adnan Gušo - za
26. Bajro Biber – za

27. Toni Vukadin - protiv

28. Mira Jurić - za

Poslije pojedinačnog izjašnjavanja, **Predsjedavajući Gradskog vijeća Igor Gavrić** je konstatovao da **Gradsko vijeće Grada Sarajeva**, izjasnivši se sa 13 glasova "za", pet glasova "protiv" i uz dva "suzdržana" glasa prisutnih gradskih vijećnika (osam gradskih vijećnika nije bilo prisutno tokom glasanja), **nije usvojilo Odluku o izmjeni i dopuni Odluke o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)**.

Predsjedavajući Gradskog vijeća Grada Sarajeva Igor Gavrić je zaključio rad 30. sjednice Gradskog vijeća Grada Sarajeva.

Sjednica Gradskog vijeća Grada Sarajeva završena je u 12 sati i 26 minute.

Sastavni dio ovog zapisnika je izvornik i tonski snimak o radu Gradskog vijeća Grada Sarajeva koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVALJUĆI GRADSKOG VIJEĆA
Dr. Igor Gavrić, s.r.*